

Peba in Lelok Melele kin Kajjitōkin ko ñan Bōk Melele kin an Jinen im Jemen Bōk Kwōnaer ilo Special Education

Iiō in jikuul 2025-2026



Ewōr Tokjen Lomnak ko Am! Aikuj Am Jibañ!

Ilo am uwaake kajjitōk kein enaj jibañ an Opij eo kōkmanmanlok wāween an jinen im jemen rijikuul bōk kwōnaer ilo jermal ko ikijen special education im kōlablok an emmon tōbrak ko ibben rijikuul ro nejid ewōr aer utamwe im baamle ko aer.



Ra in Jelālokjen eo an State eo an Hawai'i (Opij) ej kaurok am bōk kwōnaam ilo kwelok ko an Burokraam in Jelālokjen eo emōj Kōjenolok an Juon (IEP) im ikkure/makūtūt ko jet an jikuul ikijen an ajiri eo nejum jikuul. Opij eo ekōnaan roñ kin wāween ko kwar ioone kin an jikuul eo kar kajeoñ an jermal ibbam.

Ilo am uwaake kajjitōk kein enaj jibañ an Opij eo kōkmanmanlok wāween an jinen im jemen rijikuul bōk kwōnaer ilo jermal ko ikijen special education im kōlablok an emmon tōbrak ko ibben rijikuul ro nejid ewōr aer utamwe im baamle ko aer.

Aoleb iiō, aoleb state ko rej aikuj ripoot ñan Opij eo ej lale Burokraam ko an Special Education ilo Performance Plan/Annual Performance Report (Bebe in Lale Joñan Tobrak/Ripoot in Lale Joñan Tobrak Aoleb Iiō, SPP/APR) an State eo aer ilo Kein Kalikar 8, bōjjāan in jinen im jemen ro ewōr nejeir ajiri rej ebōk jibañ ikijen special education im jikuul ko rej kōlaajrak an jinen im jemen bōk kwōnaer einwōt juon wāween kōkmanmanlok jibañ im jemlok ko an ajiri ro nejier ewōr aer utamwe.

Ej bōk aoleben armij ro ilo juon jukjuginbed ñan aer lale juon ajiri.
Juon jabbonkenaan jen Africa

KAJJITŌKIN EO EJ BŌK MELELE KIN AN JINEN IM JEMEN BŌK KWŌNAER:

- Elōñ kajjitōk in ekelel im ej bōk diklok jen joñoul (10) minit ñan am kanne.
- Ej aen melele ko emōj an jab walok woñ ro rej uwaak im eban kwalok woñ kwe ak ajiri eo nejum.
- Ewōr online ak jen jikuul in kien eo an ajiri eo nejum ilo juon kabe in peba ñan lelok ilo am kōjermal kilin letā eo emōj kolla wonnen am bar jilkinlok.
- Kwōmaron loe ilo elōñ kajin ko roktak. (Lale Kajjitōk & Uwaak ko ñan melele ko relablok)
- Jikuul in kien eo an ajiri eo nejum ej lelok alikin kweilok in IEP eo kein kajuon ak kweilok eo an IEP kajojo iiō.

KŌMELELE KO KIN KAJJITŌKIN KO ÑAN BŌK MELELE

Ñe ejellok am kein jermal kapeel in raan kein, kajitōk ibben jikuul eo an ajiri eo nejum elañe ewōr juon kein jermal kapeel in raan kein eo kwōmaron kōjermal ilo kamboj eo an jikuul.

Ilo kombuitor, talebon smart phone, ak tablet, kōbellok jikin lale eo an internet, im etal ñan: <https://www.hiparentsurvey.com/hawaii/altloginMh.php>

Ñe ewōr am kein riit Emōkaj am Lale Melele (QR) ilo kein jermal kapeel eo nejum an raan kein, kwōmaron loe kajjitōkin ko ñan bōk melele ilo am kōjerbale kakōlle in QR in:

Ñe kwōkōnaan kanne peba in kajjitōkin ko ñan bōk melele, jouj im kebaak jikuul eo an ajiri eo nejum.



Ewōr peba in lewaj melele in ilo 16 kajin ko, kwōmaron loe ilo website eo an Opij, **Kajjitōkin ko ñan Bōk Melele kin an Jinen im Jemen Bōk Kwōnaer ilo Special Education.**



KAJJITÖK IM UWAAK KO

Etke kwōn bōk kwōnaam ilo Waanjoñok eo ej lale an jinen im jemen rijikuul bōk kwōnaer?

Kwōj juon eo aurok ej mōttan kumi eo an IEP. Ilo am kanne kajjitōkin ko ñan bōk melele, kwōmaron ba tōk wāween an jikuul eo an ajiri eo nejum jermal ibbam. Jemlok ko ilo kajjitōkin ko ñan bōk melele renaj jibañ kim bebe ñan kōkmanmanlok kein jermal in special education eo amim im an jinen im jemen bōk kwōnaer ñan kōlablok jemlok ko ñan rijikuul ro ad ewōr aer utamwe.

Ij ke aikuj kanne kajjitōkin ko rej bōk melele?

Jab. Am bōk kwōnaam ej am make bebe. Kim ej kile ien eo kwōj jolok ñan kanne kajjitōkin ko ñan bōk melele einwōt ke melele eo emōj aen rej letōk melele ko aurok ñan Opij eo kin wāween am lomnak.

Enaj ke ajeeded uwaak ko aō?

Aet. Uwaak ko an kajojo armij rej ripoot ilo an jab walok armij ro aer uwaak ko im rejab kobalok ñan kwe ak ajiri eo nejum. Im bareinwōt, ñan loloorjak ejellok kalijeklok, uwaak ko rej aen, kōjebloklok, im etale jen juon jikin eo ejenolok rej koontoreake im ejab bed iloan Opij eo.

Ij ke aikuj uwaake aoleb kajjitōk ko ñan bōk melele?

Aet. Jouj im kajeon uwaake aoleb kajjitōk ko rekkar ñan kwe im ajiri eo nejum. Kalikar “Ejab Ekkar (N/A)” elañe kajjitōk eo ejab ekkar ñan kwe innem woñmaanlok ñan kajjitōk eo juon.

Imaron ke kanne kajjitōkin ko ilo online im peba jimor?

Jab. Ñan loloorjak ejimwe melele, jouj im kelet juon (1) wāween, emaron online ak peba, ñan am uwaake kajjitōkin ko ñan bōk melele. Jouj im kanne wōt juon (1) kajjitōkin ñan bōk melele ñan kajojo ajiri eo ewōr an IEP.

Ñaat eo rej letok kajjitōkin ko ñan bōk melele?

Rej lewaj ien eo ñan am bōk kwōnaam aoleb iio, alikin kwelok in IEP eo an ajiri eo nejum kein kajuon ak an kajojo yiō. Ñe email eo am ebed ilo bael ko, renaj jilkinwaj juon email in kein kōkememey am kanne kajjitōkin ko ñan bōk melele mokta jen an jemlok iio in jikuul eo.

Ewōr juon aō peba in kajjitōkin ko ñan bōk melele ibba im elablok jen juon neju ajiri ej ebōk jibañ ko an special education. Ij ke aikuj kōmmene juon aō kabe?

Jab. Jouj im kajjitōk ibben jikuul eo an ajiri eo nejum bwe ren lewaj bar juon kabe in peba in kajjitōkin ñan bōk melele ñan ajiri eo juon nejum. Kajjitōkin ko ñan bōk melele emōk kōjenolok kakōlle an kajojo ñan aen melele im kōjejjet melele ko rej bōki bōtab rejab koba ñan jejjetin kajojo rijikuul.

Imaron ke kanne kajjitōkin ko ñan bōk melele ilo bar juon kajin ejab Kajin Belle?

Aet. Ewōr kajjitōkin ko ñan bōk melele ñan am kanne ilo Kajin Belle, Hawaiian, Majol Tagalog, im Spanish. Ebar mōj ukok ñan kajin kein laajrak: Chinese, Chuukese, Ilocano, Japanese, Korean, Portuguese, Samoan, Thai, Tongan, im Vietnamese. Ñan am lale ilo kajin eo ejimwe ilo am kanne mōttan kajjitōk ko rej bōk melele online ilo Kajin Belle, jouj im etal ñan link in laajrak:

<https://hawaiipublicschools.org/school-services/parent-rights/parent-involvement-survey/>

Ñan peba in Braille, jouj im kebaak jikuul eo an ajiri eo nejum.

Ewi wāween aō maron bōk melele kin joñan an Opij eo kōmman jermal ilo Kein Kalikar 8 ilo SPP/APR eo?

Ñan bōk melele ko relablok kin joñan an Opij eo jermal ilo Kein Kalikar 8 eo im aoleb kein kalikar ko jet rej koba ilo SPP/APR, jouj im etal ñan link eo laajrak:

<https://hawaiipublicschools.org/data-reports/state-reports/state-performance-plan-annual-performance-report/>

Woñ eo ij kebaak kin kajitōk ko kin wāween kanne kajjitōkin ko rej bōk melele?

Kwōmaron kebaak jikuul eo an ajiri eo nejum ñe ejab Opij eo ej Lale Joñan Jermal im Loor Kakien ilo (808) 307-3600.